

## BAKURUBASANNI


(nîmôr 12 songo)

Mali kôno = Dôrôme 300

Afîriki kôno = Dôrôme 600

Jamana were = Dôrôme 1000

Mekalo san 2006



Kunnafonisében bota kalo okalo. BP: 24 Téléfoni : 221-21-04. Bosola Bamako-Mali. San 34nan boko 412nan A songo : dôrôme 15

## San 2005/2006 koɔriko kanpani


### Koɔri suguya fôlo (1) bëna san dôrôme 33 la kilo kelen

**M**ali kôno koɔrisenewaw ka tònba ni Sémudete némogow bëna a kan jumadon awirilikalo tile 28 san 2006, koɔri suguya fôlo kilo 1 ka san dôrôme 33, ka suguya filanan san dôrôme 28 ani ka suguya sabanan san dorôme 24 na, koɔrisenewaw bolo san 2006/2007 koɔriko kanpani na.

O b'a jira ko dôrôme 1 de farala salon koɔri suguya fôlo kilo 1 sanda kan sen in na; o tun ye dôrôme 32 ye. Benkansében in tegenobilala taratadon mèkalo tile 2 san 2006 Mali nafoloko minisiri Abu Bakari Tarawele, Sémudete némogoba Usumani Amiyyon Gindo ani Mali koɔrisenewaw lafasalitonba «GSCVM» némogoba Bakari Togola fe. An bë don min na, Bakari Togola ye Mali sénékesow «APCAM» kuntigiba ye. A ye foli lase goférénaman ni Sémudete ma, olu sônni na koɔri kilo 1 songôkeli dôrôme 33 ye, ani sefawari miliyari 5 min bëna lasegin sénékelaw ma u ka tònç ye koɔri feerelen kofe. O miliyari 5 in bëna bila sénékelaw ka bolo kan; a mëennanba ye sanni san 2006 in utikalo ye.

Sénékelaw bë Ala tanu, sabula olu yetônô sôrôkoori la; nka Sémudete binna a ka jago la ni sefawari miliyari 7 ye, Bakari Togola ka fo la.

Sémudete némogow ni sénékelaw ka némogow taara kôlosimetaama na Burukina, Benen ani Togo, olu ka koɔriko taabolo kan. O jamana ninnu na, koɔri kilo 1 songo ka ca ka temé Mali ta kan, nka a yera ko sénékelaw ka juru hake min b'o koɔrisenecakédaw la, dan t'o la.



Burukina koɔri suguya fôlo kilo 1 songôbora dôrôme 42 la ka jigin dôrôme 35 la san 2005/2006 kanpani na; ka laban k'a jigin ka na dôrôme 33 la san 2006/2007 kapani na. Nka koɔriko gëleya koson, Burukina koɔrisenecakêda min bë wele Sofitékisi, o némogoba Zoroz Yamego y'a jira ko san 2006/2007 kanpani koɔri laban bëna san dôrôme 32 la, ka 35 bo a ma.

Hëre fosi te koɔrisenewaw kan Togo; sabula, olu ka san 2003/2004 ani 2004/2005 kanpani koɔriwariw ma sara halibi. O warikow dalen bë

karefe fôlo, nka an bë waatimin na san 2005/2006 kanpani koɔriwari de b'a la ka sara u ye kilo 1 dôrôme 30 la. San 2006/2007 koɔri kilo 1 songo jiginna ka na dôrôme 32 la.

Benen, koɔri suguya fôlo kilo 1 tun ye dôrôme 34 ye, ka suguya filanan ke dôrôme 24 ye san 2005/2006. Sémudete ni Mali sénékelaw némogow ka nin taama in y'a sôro. Benen koɔrisenewaw t'u ka san 2006/2007 kanpanikoɔriw sanda dòn fôlo; wa u ka juru hake min bë sarabaliya la dan t'o la.

Moriba Kulubali / Dokala Y. Jara

## KONKO

Agorodjieni donna Kidâl am Menanka sorodasikanw kono	pe 2
Wa ka wée se a lasokanw latasabagaba do ma Bagama Dukure	pe 3
Wa ka maranetma Mandentanga	pe 4-5
Wa ka	pe 6-7
Kalankoro 19 aprikilagaba misai do	pe 8
Dukore 24 mai Dukunkow ka nonabo nogoya la	pe 8
Sigpal a gënemba sc sigicogo na baarakcogo SESIKOMU	pe 9-10
Fara pôsi gi sôber laow ma son seginrima u Faso la	pe 11
Seri 2006 da titie dogo ma he intolatanko la	pe 12

## Mogo murutilenw donna Kidali ani Menaka Sorodasikanw kono

**T**aratodon, mëkalotile 23, sufela la, mogowbalala ka Kidali sorodasikan folon filanan minnen ye maramafentigi daw fe. Sorodasikan folon be tilebin fe, dugu donda la; filanan be dugu boda la. Ka o to senna, Menaka sorodasikan fana lamagara. O nemogoba, n'o ye Bamusa ye, burudame don, mogo murutilen koro don, nka Mali Sorodasiw tun y'a ta k'a ke jalabatigi ye, k'a ke u do ye, o murutira kokura. Akelen fana tun te; korenfekel mogo murutilen koro minnu be bo Kidali, ani koloneli Fagaga ka mogo daw, olu fana farala a kan. Koloneli Fagaga, hali a ma meen folo, o tun ni burudame sorodasidaw tun murutira, nkadonna a ni fanga ce balawu lasara.

Nin kunnafoni ninnu soro Mali sorodasiw ka kunnafonidisoba fe, n'a be wele «DIRPA». Mogo murutilen ninnu balala Mali sorodasiw la, olu ma se ka fosi ke. Siga te min na, o ye k'a fo, u y'u ka binkanni in laben ka ne wa mogo were farala u... kan dogodogo la janfan ninnu na. U ye maramafen bee ce ka taa n'u ye, ka forobacakedaw ani demedenjiskuluw ka mobiliw bosi. Mali waribon min be wele (BMS) u y'o nafolo bee ce ka taa. Utilalen, u tununa Sahelikungo kono.

Nin kibaruyaw ye jamanaden bee lajelen jatige ka da a kan, burudamekelle, n'an ko a ma korenfekel ye tijeni min don jamana kun, o kera damatemye.

Jamanakuntigi Amadu Tumani Ture tulo donna kibaruya in na k'a to taama na Kayi mara la. A ye wele bila jamanadenw ma arajo la. A y'a ka nisongoya jira, a n'a ka dusukasi. Wale ninnu ma ben a ma; u ma ben jamanadenw ma. Mali b'a jo a joyoro la, ka sariya boli, ka fanga boli, ni hakili ye; ka jamana lakana. A ko jamanadenw k'u hakilisigi, u kana mogo murutilen ni korenfemogo bee gosi bere kelen na. Mali kono bi, ka maramafenw ta k'i fela jira, an temena o kan. Sigikafu ma fen o fen ban, kele t'o ban.

Gameri A. Diko, Modibo Nama Tarawele  
ani Y. SOTOBARI (ka bo Menaka) ani Mahamadu Konta

## Semudete «CMDT» feereli feerew be ka tige

**S**emudete latemene kenyereyew ma, o bilalen be ka san 2008 kono. Sanni o ka se, Semudete nemogow ani cikelaw ka nemogow jera ka koreninitaama ke Burukina Faso, Togo ani Benen.

Ojamana ninnuyuka Kooricakeda lateme kenyereyew ma kaban, nka u si ta kecogow te kelen ye. Mali ka ciden ninnu ye jamana saba kelen-kelen ka feere bolodalenw fesefesfe walasa u ka se uta kecogo numan na san 2008.

U selen Burukina Faso, u y'a kolsi kofaamaw ma son ka SOFITEKI, n'o ye Burukina kooricakeda ye) bee labila kenyereyew ye. Burukinakaw ye feere min soro o file nin ye : Kori be soro kosebe jama yoro minnu na, olu tora goferenaman ka mara kono, i n'a fo Bobojulaso. Soroberetek yorominnu na, olulateme kenyereyew ma. Hali o la, bolonbila kera benkanseben na goferenaman ni kenyereyew ni nogon ce. O benkan in b'a wajibiya kenyereyew kan, baarakelaw ka to u no na; nafolo ka bila cikelaw demeni kunkoro, kori sansongo ka ke kelen ye jamana kono; kori feereda

bolodalikow nemogoya kabila cikelaw katorna ka bolokan. U bolen Burukina, u taara Togo. Mali ka cidenw y'a kolsi Togo ko halibi, olu ka kooricakeda be goferenaman ka bolokan. Nka baara daw be yen, olu latemena pepewu kenyereyew ma, i n'a fo kori donini, a koloboli ani kooringow feereli n'u laseli cikelaw ma. Feere be ka boloda, Togo kooriseneaw ka se k'u sendon kooricakeda ka baarakenafolo labugunni na, walasa don do ja a ka ke u ta ye.

U bolen Togo, Mali cidenw taara Benenjama kooricakeda kore fana laje k'u fesefese.

Uy'a yek'a foko Benen kooricakeda bolobora kobelajelen na. Koorisene ni, a celi, a jagoli, nogokow, bolo were de be nin bee ke. Hali korikolobo, kenyereyew bena o fana bosi goferenaman na.

Mali cidenw ye faamuya minnu soro nin jamana saba kono korikola, u bena u sinsin o kan, k'o dafa n'u yere hakililawye, ka feerewtigewalasa Mali ta be ke nafa ye cikelaw ma, goferenaman ani kenyereyew. Moriba Kulubali Mahamadu Konta

## Kati-kita ani Senegali sirabako

**M**inisiriw y'u ka laadalatonsigi ke Kuluba awirilikalo tile 26 san 2006, a nemogoya tun be jamanakuntigi Amadu Tumani Ture bolo. Mali goferenaman ni Senegali goferenaman tun jera ka juru do ninini tegenobila «FAD» fe san 2006 in zanwuyekalo tile 18, Bamako ni Dakaro lasorocogo numan na Kayi mara woroduyanfan fe sirako ni bolifenko la.

Minisiriw ka laje in senfe, u ye poroze do waleyali naniya siri. Benkanseben min tegenobilala goferenaman fila ninnu ni FAD ce, o ye sefawari miliyari 45 ani miliyon 15 haké ye; Mali niyoro y'o la miliyari 33 ani miliyon 102 ye. Mali goferenaman ka poroze naniya sirilen na, a b'a fe ka nin baara ninnu ke n'a niyoro ye :

- ka gitron damine Kati, ka teme Kita, Kokofata, Bafin - Makana, Dabiya ani Kereba fe, ka taa a bila Senegali dance la. O be ben ilometere 429 ma.

- Ka wulakenosira misennin daw dilan ka bila o siraba in na, ka ponpekelonw sen ani ka bolifentigw lafijeyorow dilan gitronda fe.

- Ka babili do jo Bafin ni Bale kunna ani ka negepon janba dilan Faleme kunna terenw ni bolifen tow kama.

- Ka sigida n'a lamini lakanafeerew boloda.

- Ka lakanabaaw dagayorow jo taamabaaw segesegeliw kama ani ka donibata bolifew peseyoro n'u jatalan dilan.

Farafinna tilebinyanfan sogoli ka bila nogon na, nin poroze in y'o baaraba do ye walasa yiriwali kuntaala jan ka soro.


Dokala Yusufu Jara

## Ala ka wele sera fasokanw lafasabagaba do ma : Badama Dukure

**M**ali kunnafoniko minisir Mali kunnafonisébenw némogo n'a baarakéjogonw. Kibaru baarakelaw, ce ni muso, an bée lajelen; Kibaru kalanbagaw, a kan bagaw n'a lafasabagaw, ka fara Kabaaru ni Kibaare baarakelaw kan, u kalanbagaw n'u kanubagaw, an bée lajelen dusukun kamikaminen don, an balimake Badama Dukure fatuli la, alamisadon, mekalo tile 4, san 2006, k'a sababu ke bana kuntaala jan ye. Badama Dukure tun ye fasokanw lafasabagaba ye, Kibaru sèbenbagaw kuntigi fana tun don.

Badama bangera san 1953 ñamina, Kulikoro mara la. A ye lakolikalán kinfòlow ke a ka dugu la, k'a ta san 1961 na ka se san 1970 ma. O m'a bali ka Kurane kalan fana ke o waati kelen in na.

K'a ta san 1970 la ka se san 1977 ma, a ye cemancekalan ke



Asikiyá Mohameddi togolalise la Bamako, ka tila ka sannakalan ke lakolikaramogow ka lakolisoba la. A tilalen kalan na, a ye karamogoya ke musomanninw ka lise la Bamako, k'a ta san 1977 la ka se

san 1979 ma.

San 1980, kunnafonikow minisiriso mako sera Badama Dukure ma; a kéra Kibaru sèbennikelaw do-ye. San 1982, a taara Moti ka Kabaaru sigi sen kan, o ye kunnafonisében ye fulakan na, ka ke o sèbenbagaw kuntigi ye, k'a ta san 1983 la ka se san 1995 ma. O san 1995 kelen in na, a seginna Bamako, ka na ke Kibaru sèbenbagaw némogo ye. Ala ka wele sera a ma k'a to o baara in de la.

Kibaru la yan, Badama Dukure donna n'a ka fasokanu ye ani césiri baara la. Bée lajelen da benna a ka sabali kan a n'a ka munu, hörönya ani yeredon. Bamanankan dònba ga jönjön tun don cogo min na, a tun be tubabukan fana faamuya ten ani Kurane. Badama Dukure fatura ka muso kelen ani den 6 to a kó.

Badama, i Dukure! Ala ka hiné i la.


Kibaru baarakelaw

## Mamadu Maribaturu Jabi PUDP némogoba ye dijeto

**J**umadon, awirilikalo tile 28, san 2006, Mamadu Maribaturu Jabi saya kibaruya nana ka bo Faransi. A tun be furakeli la yen. Politikiton min be wele PUDP, o némogo tun don.

Mamadu Maribaturu Jabi bangera san 1942 Kiban, Banamba kafo la, Kulikoro mara la. Soninke don. A bangera sene, jago ani warjinibaa raw kono. A moké, n'o ye Npa Jabi ye, o tun sigilen be Kiban dugu wolonwula kunna. Ale de tun be sow ni finiw feere Sikaso Céba, Samori Ture, Bina Ali ka bo Segu ani Kunbi Jose ma.

Mamadu Maribaturu Jabi cunna Bamako k'a si to san 12 la. A ye baanabaanaya ke. O kofé a taara Kodiwari ka mekanisenya ke yen. Nin bée kofé, a sigira Afiriki



cemanceyanfan n'a woroduguyanfan jamana dów kono,

sanu, jaman ani luulu jagoli kama. San 1968, a seginna faso la ka ke fofodugugumaw golo feerebagaba ye, ka nafoloba soro. Demokarasi nanen jamana kono, Maribaturu donna politiki la k'a togolatón sigi min be wele «PUDP». A yere ka fa la, donkun kelen de tun b'ale ia politikiko la : k'a jira malidenw na, ko sègen min be jamandenw na, tɔɔrɔ min b'u kan kabini an y'an yere ta fo bi, o bée ye tubabukanfolaw ka janfa, u ka sonyaliw ni binkanni woye. O de kama, a tun te kuma ka nogó to a la. A tun be tijé fo bée lajelen ye, bawo a natalen te mogo ka fén nofè.

A n'a ka kalanbaliya, a ye Mali demokarasi déme kosebè a seko damajira la.

Mahamadu Konta

# Mali jamana walima Mandenfanga

Alimurabitiw kelen ka Wagadu miné, jamana wére minnu tun b'a kónó, olu caman y'u foosi ka ke u damanajamanaw ye. San 1700 la, Manden min y'o jamana foosilenw dō ye, o kéra jamana kologelen ye min welela Mali jamana.

## Mali jamana jujón

Mali sun ye Manden ye Sigiri ni Kita furancé la. A tun bë Soso ni worodugu ce. Soso dùgu yére bë Börön mara kónó Bananba serekili la.

Jeliw ka fo la, Sumankurun Kante ye manden faamaden 11 bëe faga, u 12nan tun ye muruku ye. O muruku in de tuñ ye Sunjata ye. Mandenfaama min tun ye Nare Famakan ye, muso saba tun b'o kun : Sasuma Berete, Sogolon n'o ye Sunjata, Jamuru ani Kolonkan ba ye, ani Namaje. Dankaran Tuman ni Nana Tiriban tun ye Sasuma Berete denw ye. Mandemori tun ye Namaje den ye.

Manden faama föl minnu lakodónna, olu ye Jigi Bilali, Musa n'a tun bë wele Alikoyi, ani Nare Famakan Keyita.

Sunjata ye Nare Famakan den ye, ale ye Manden bësi Soso la.

## Sunjata Keyita

An ye Sunjata ka jenamayakow dòn lakaliliw fe. A nabara bangera. Nare Famakan fatura ka Sunjata si hake to san 7 la, o y'a soro a ma taama föl; nka a taamana o san kelen na. Dakaran Tuman sigira Manden fanga na Nare Famakan no na.

Sunjata kéra donso farinba ye min nögónna si tun te Manden kónó. O keleya donna a balimake Dankaran Tuman na, a ye Sunjata n'a ba Sogolon ani Mandenmori gen ka bo jamana kónó. U taara u kalifa Nema masaké la. Sunjata ye maramafennakelé dege yen ka se o la kosebe. O waati la, Nema fanga tun bë Tunkaraw bolo.

## Sunjata ni Soso faama ka kélé

San 1300 damine na, Soso jamana tun ye Farafinna

tilebinyanfanjamanaw na jamana farinbw dō ye. Sumankurun kéra masaké lakodónnenba ye. San 1224, a ye Manden ci; Dankaran Tuman bolila ka Manden bila. O kelen Manden farala Soso ka mara kan. O waleyia in ma bén jamanadenw ma, u ye mögo dōw ci dogo la ka taa Sunjata nöfe Nema, a ka na Manden bo Sumankurun Kante ka nangata kör. O y'a soro a yére tulo bë Sumankurun ka waleyia jugu ninnu kibaru la Mandenkaw kan.

Nema masaké ni Sunjata tun benna kosebe; a tun t'a fe Sunjata ka bo a kör. Nka faso kunmaboli ye wajibi ye, sanko n'i fosoden nögónna nana u jigi seme i la. Tunkara minnu ye Nema faamaw ye, u ye keleboloba da Sunjata kan. O jama temena mara o mara fe, olu bëe ye Sunjata bolomafara kelecew la; sabula Sumankurun ka ko nege tun te mögo la bilen. Sunjata nöfejama sebekör cayara Dakajalan. O keleboloba in ni Sumankurun ta kéra nögón na Kukuba, Batanba ani Kanbasika. O kélé bëe da tora Sunjata n'a ka mögów la. San 1235 la, Sunjata ni Sumankurun kéra nögón na kokura Kirina. O kélé senfe, Sunjata sera Sumankurun na, sabula a n'a ka somaya bëe, a bolila ka tunun Sunjata n'a ka mögów la kulu la. Kulukörökakaw b'o ñanankulu in són halibi.

Kirina kélé bannen, Sunjata ye Soso dugu miné ka fara Manden kan. O kelen jamana to bëe sonna a ye k'a ke masaké ka masaké ye Senegali Ba ani Bajoliba furancé la. Sunjata ye Kunbi miné a tigil la san 1240 na; ka Manden faamadugu sigi ñani, babolo min bë wele Sankaranin, o dala.

Sunjata yére sara san 1255

waati la. Dōw ko jenaje do senfe, dōw ko kalabiye y'a jogin, a taara a suuru Sankaranin ji la. O de koson Sankaranin bë són mögów fe halibi. Sunjata ni Sumankurun si kelen su ma ye mögo fe."

## Sunjata Keyita tile

Sunjata Keyita min ye Maliko sigi sen kan, a tile y'a ta san 1235 la ka se san 1255 ma. Kirina kélé kofé, Manden masaké bëe ye dannaya da a kan. San 1240 na, Sunjata ye Mali faamadugu bo Kangaba ka taa a sigi ñani.

## Sunjata ka waleyia kelenw

A ye Manden jamana misenninw fara nögón kan jamanaba kelen ye; ka laban ka Soso fara a kan. Soso tun bë disongo sara a ye.


Walasa jamana marali ka nögoya Sunjata ye marabolow sigi ka gofereneriwi bila olu kunna ka kafow sigi ka kafotigiw bila olu kunna ani ka duguw lakodón, ka dugutigiw bila olu kunna.

Jamana ka soro sinsinnen tun bë sanubo, jago ani sene kan. Bure sanu tun bë bo Sunjata ye. Marakécogo ye lafiya don jamana kónó. Jagosira min tun bë Sahara ni worodugu ce n'o tun datugura Wagadu minenen Awudagosi faamaw fe, o dayelela. Sahara mögów tun bë don Mali kónó ni kogo, dëne ani finimuguw ye; worodugu mögów fana tun bë bo ni sanu, nafénw, samajiw woro ani jow ye. Sunjata ye koorisene don ba la a ka jamana kónó ani ka kelebolo sebekör laben; o de koson jamana bonyana kosebe. Kelebolo tun ye suguya saba ye : sennamögów, sotigi, npamurutigiw ani kalabonnaw. Kelekuntigiw tun ye Fakoli Kuruma, Siriman Keyita ani Turamakan Tarawele ye. Fo ka se Sunjata saya ma san 1255, Ba



## Lafasalibaga de te cikelaw la

Koɔricikelaw ye si wɔɔcikelaw gelyea min sɔɔcikelaw. Kanpanji 2005-2006 kɔɔcikelaw gelyea fanbau bɔra sɔŋgokode la, i n'a fo koɔri sɔŋgɔ binni.



Kéfa Kumare

Toni o toni, ba 10 (10.000) de bɔra o sɔŋgɔ la.

N'i ye kolɔsili ke, kanpanji 2004-2005 taari kelen musakaw la :

Nogɔfin bɔre :  $3 \times 2873 = 8619$ .

Nogɔje bɔre 1 sɔŋgɔ = 2310.

Pɔɔni, binta =  $5 \times 954 = 130$ .

Nin mume ye : 15.820.

Koɔri kilo 1 tun ye 42. O la, koɔri kilo 376,9 tun be taari juru sara.

**Kanpanji 2005-2006 taari kelen musakaw :**

Nogɔfin bɔre :  $3 \times 2655 = 7965$

Nogɔje bɔre 1 sɔŋgɔ = 2225.

Pɔɔni bin ta =  $5 \times 912 = 4560$ .

Koɔrisijola sɔŋgɔ = 32.

Nin mume be ben 14.877.

Koɔri kilo kelen sɔŋgɔ = 32. O la, kilo 465 tun be ben taari jurusara ma.

N'a fɔra ko dɔ bɔra minenw sɔŋgɔ la, anwcikelaw be jateminke nin cogoya in de la, k'a dɔn ni tɔnɔ b'a la. Bɔnɔ ka ca ni farankan ye. Nin baara suguya netaa be se ka ke cogo di?

Nka cikelaw mangirin. Lafasalikela te cikelaw fe. N'o te, bɛe ne be tiŋe na.

Kéfa Kumare

Kin Bamaana, Falo komini na, Bila

## INISEFU ka fo

Ne be poroze Inisefu fo. Ale kera sababu numan ye ka balikukalanso caman dayele Segu mara kɔɔsan 2005 ani 2006 la. Kalan in kera sababu ye ka muso caman lafaamuya. N be poromanfin mɔgɔw fo Segu, ka balikukalankaramogo bɛe lajelen fo. An be don min na i ko bi, ne yere be Kasorolakaw fe yen kalan na.

Modibo Tarawele

Balikukalankaramogo,  
Kondogola, Zezana Komini  
na Segu

## Sumaya fitinin be koɔrisi toli sanni a ka falen

A be san damado bo, senekele caman hamie koɔri danni ye joona; k'o koɔri de be ne ka teme kɔsala dannen kan. Nka ni jateminne ma ke o baara kɔcogo numan na, o be na ni gelyea wɛre ye, min ka jugu ka teme koɔri kɔsafedann. Gelyaw kan.

Bee b'a nini ka tila koɔridan na mekalo la. O de koson hali sanji mana funfun doonin, mɔgɔw be koɔriforow buluku k'u dan mekalo la. Ni sumaya man bon, o be ke sababu ye, ka koɔri-kolo kumu dugu jukɔrɔ, k'a bali ka falen. N'o kera koɔrisikogelya bɛna a jo; o b'a soro senekele y'a bolokoɔrisi bee dan sanji fitinin na. Sumaya fitinin be koɔrikolo toli sanni a ka falen. O senekele ka baara kunfɔlo kelen ye fu ye. A be wajibiya ka koɔrisijini damine, n'o ma soro joona, a kɔrɔtɔlen be koɔrisi dɔ san kerefe. O be se ka nagami don a ka koɔrisiko la. A tun ka kan ka baara wɛre ke ni wari min ye, o be taa koɔrisi kura ninini dafɛ.

N'an ma ne koɔri danni ko joona, an k'a dan sanji kofe, min be se k'a falen, o b'a to an ka danjoona nafa soro.

Daramani Sise ka bɔ Nogɔlaso,  
Sansana komini na, Sikaso

## Jabasene nafa ka bon

An be don min na, tilemabaara caman nɔgɔyara. Baara min be senna sisani, o ye jabasene ye. Jabasene kelen be sababu ye ka dɔ bɔ denmisew ka tungafstaa la Jele-Beleko. Mɔgɔw gerejige te kelen ye feniñi na; nka kolɔsili la, denmisèn minnu be taa tunga fe, i b'a soro minnu tora so ka jaba sene olu ka soro ka ca ni tungafstaalaw ta ye. O dekoson denmisèn caman farifaara tungafstaa la, k'u nesin jabasene ma ani forokɔnɔbaara wɛre. Jabasene nafa ka bon anw fe yan, mɔgɔw b'u mako caman nɔnabo jaba n'a wari la sanni ka koɔriwari sara.

Seyidu Fɔnba ka bɔ Jele-Beleko  
Dɔyila mara la Kulukɔrɔ

## Meri sariyagafew ka kan ka sɛben fasokan na

Gelyea do be wulakɔnɔkominiw kɔnɔ. O ye gelyea jumén ye? Gafe min be dilan kɔnsew tɔgo la ni tubabuw ko a ma «Gidi», Mali sariya bɛe sɛbennet be min kɔnɔ, o bɛe sɛbennet be tubabukan de la. N'i ye jateminne ke, an ka wulakɔnɔkɔnse caman be yen minnu ma tubabukan ke fo balikukalan. Ne b'a nini Mali nɛmɔgɔw fe, u k'a lajɛ ka gafe in fan kelen ke bamanangkan ye, ka fan kelen ke tubabukan ye. N'i ye wulakɔnɔkɔnse sigi kɛmɛ o kɛmɛ, i b'a soro mɔgɔ 15 dɔrɔn de ye tubabukan ke. Meri dɔw yere be yen, olu ma tubabukan ke, nka komini denw ye dannaya da u kan k'u ke nɛmɔgɔ ye, bawo u jogo ka ni. N'a fɔra ko sariyaseben b'e bolo, i te se ka min kalan k'a faamuya kosebe, ne hakili la baara be gelyea i bolo. N'i ye jateminne ke, koɔrisenetɔn be dugu o dugu kɔnɔ Mali kɔnɔ, a sɛbenjɛnabola caman ye balikukalanden jolenw de ye. O be cogo min na, konsew fana be ten.

N be yafa nini Mali nɛmɔgɔw fe bataki in kan, bɛe n'i hakilila don.

Manan Keyita ka bɔ Silantumu,  
Kita mara la

## Poyi : Karamɔgɔya

Karàmɔgɔ e ye kalanbaliya dibi kelle ka kunfinw bɔ o dibi la.

Kalan ni kodɔn te kelen ye.

N'i kalanna i hakili be dayele.

Wa i ka faamuya be nɔgɔya

I te ke jamanajemaa ye kasɔrɔ i ma kalan.

Kalan nafa ka bon, hake t'a la.

Wa dɔnni te soro karamɔgɔ kɔ.

Karamɔgɔ foli ka kan,

Dɔnniya jɛnsenbagia, i ni sègen.

Dɔnniya kɔrɔtɔ de be nɔɔrɔ.

Ne karamɔgɔ, ne ma dan ye i la.

Aruna Ba Bamako

## Tariku səbenbagaw ka fo

Ne nisəndiyalenba be nin bataki ci Kibaru nemogo n'a baarakela law ma, ka u fo ka u walenumandən ani arajomali baarakela bəe, dan te foli min na.

Awirilikalo Kibaruseben min bora, k'a ta a ne 2nan na ka se a ne 3nan ma, an ye Wagadu tariku minnu soro a kono, o diyara ne ye kosebe. K'a ta kunbisale, Wagadu fanga nana nacogominna, foka se Mandenfanga ma, an ye faamuya soro a bəe kono. O tuma, ne be foli ke nininikela bəe ye ka u walenumandən, sabula nin b'a to balikukalanden, sabula nin b'a to tubabukankalanna kan, bəe ka bo dibi la, bawo tariku in b'a to mogoya yere nana sira min fe o ka don.

N'i ye bimogow sigi keme-keme, min b'a don ko Ala ye dugukolo dan folo ka soro ka mogow dan, o te teme tan (10) kan. A be mogo caman ne na ko Ala ye mogow falen dugukolo kan i n'a fo binw be falen cogoya min na. Ayi, Ala ye mogo kelen de dan folo, bəe bora o de la, an fa Adama.

Ni mogo min sera ka awirilikalo Kibaru kalan sango a tariku, i b'a don ko balikukalan te kalan gansan ye. O tuma, nin ye foli ye ka nessin balikukalan nemogo bəe lajelen ma u ka cesiri la.

**Yaya Mariko ka bo Senu Bamako**  
**Musomanninw**  
**ka negekrosigi dabilali**

Jamana yiriwa mandin'am'awasa don a ka laadalakow la. Mali ka yere mahoronya soro la san 1960; o ni ninan ce ye san 45 ye. Nka halibi Mali selen te ka bo nogo la.

Jamana nemogow ko ka faantanya kelle, ka denmisenniw ka hakew ke u ye ani ka musomannin ka negekrosigi dabilala.

Ne ma min faamuya, nansarajamanaw mana na ni poroze fen ye o fen ye an ka jamanaw kono, hali n'o b'an ka laadaw soso goferenamanw b'o senkoromadon. O senkoromadonni be ke u ka waridunta

nofe. Nansaraw dun te wari don dije ko fosi nofe, n'u ka nafa t'o la. Jamanaden dow wulilen be k'u jo musomanniw ka negekrosigi dabilali la; nin bəe ye waridunkan ye.

**Siyaka Kumare ka bo Fiyena,**  
**Kulukoro mara la**

## Taari kelen musaka ye danteme ye ofisi kono

Kunnafo ni do dira malosenne musakaw kan Ofisi kono, Nōnōn ani Dogofiri, ne m'o faamuya. Okunnafo ni y'a jira ko taari kelen musaka be ben ba 33 ani keme 4 ma; ko malo kilo 1 ye dōrōme 40 ye. Jateminé na, n'i ka foro kōrōlen don, n'i ma se angere bore tan ma, i te fosi soro. Jisongo, ba 12. Laburusara, ba 5. Maloturusara, ba 4. Pipineri ba 1. Malosi, ba 2 ani keme 5. Malokansara, ba 2. A binbōnsara ba 1 ani keme 5. Ka malo nagama doni ka ke nogon kan mansin k'a gosi, o sara ye ba 1 ani keme 5. A gosirara, ba 8; k'a kisebo, ba 5. Nin bəe mana fara nogon kan, musaka be caya ni ba 40 ye. Angere songo t'o la; baaradensara t'o la. Ni e mogo min ko o la ko taari 1 musaka ye ba 33 ani keme 4 dōrōnye, ne m'o faamuya. A be se ka ke, nka n b'a fe cikelaw ka n bo fili la.

**Bakari Danbelé, Sikaso**  
**Wayere2nan**

## Sumaya kelleli be folo ji

### nogo ni naman kelleli la

Sumaya kelledon kera awirilikalo tile 25 ye san kono. Jamana nemogow be fo ka da u ka baara numan kan. N'o ye sumaya kellelibaara ye Mali kono. Sumaya fanga ka bon an ka jamana kono ka teme bana tow kan. Fura dun te sumaya la jeya ko. A jirala ko sumaya be soro sosow fe. Sosow be ji nogo ni naman nofe. O la, sumaya kelleli be folo ji nogo ni naman kelleli la. Olu dun kellen b'an sigijogonw n'an balima surunw ye. Sumaya be kelle o la cogo di?

Ni sumaya be kelle, a furakeli musaka ka kankana nogoya ani ka sange sulenw to mogo caman lasoroyorow la.

**Isa jalo ka bo Kodugu**  
**Kati mara la**

## Senekela ka dogo bi min b'a ka denbaya balo soro

Sene sera nəniniyie; folosenne ni bi ta ka jan nogon na. Folo sarimisiko tun te yen; baara bəe tun be ke bolo la ni dabani kurunniye.

**I sa Jalo**

An be don min na, sene ye fanga soro; sabula an ka senekeyorow la, senekemansin cayara. O n'a ta bəe, san o san, a be fo salon ka fisa ninan ye. Mogi ka dogo bi, min b'a ka denbaya balo soro ka no to teere. Tine yere la, o ye fen ye min be mogi kamanagan.

An k'a laje, n'o te, sene be nini ka ke dənnin don goman ye. Sene geleya bəe be ka da sanjikodese kun; o b'a la, nka baara jedənbaliya ani benbaliya noba be sene mogonafabaliya la Mali kono.

An k'an bolo di nogon ma ben kono ka baaraw ke nogon fe. Senekelaw te nogon fe. O ye juguya ye. Yiriwa te se ka sabati juguya kono.

**Isa Jalo ka bo Kodugu Kati mara la**

## Baara be mone bo mogi la

Dunkafa te se ka sabati jamana si kono, ni mogow ma baara mine sebe la. Jamana nemogow k'a laje ka deme don senekelaw la; sabula dunkafa sabati man di nogondeme ko. Geleya be senekedugu caman kono, k'a sababu ke baarakeminenko ye. Senekeminen ni nogo, a si kelen te soro nogoya la. An dun be waati min na, foro si te sabati ni nogo ma k'a la.

Ni jamana semenjiri folo ye wulakonobaaraw ye, a numan ye olu kebaaw ka minenw soro songo duman na. A be waati jan bo, wulakonombogow te nafa soro u ka baaraw la. O de koson mogo caman b'a la ka senekedaba ni bagangembere ani monnijow da kerefe, k'u kunda dugubaw kan, ka na san yelema danbetijebaaraw dama na. Isa jalo ka bo Kodugu, kati mara la

## Kalankehē n° 40nan : Hakilijagabo misali dō

**A**n y'a jira ko hakilijagabo ye suguya fila ye; dōw be n̄eñ, i t̄i hakilila fara olu kān. Dōw be n̄eñ nka i b'i hakilila fara u kan, k'a jira ko i sonna folen ma nka «Nka» b'a la. An b'a misali kelen ta min hakiliyagabo suguya ninnu kelen-kelen b̄es la. An b'a damine ni n̄efolita ye i yere hakilila te fara a kan.

**Kunkanko :** Kalanbaga do y'a jira ko hadamaden mana kungo tine, a y'a yere tine. O hakillia in n̄efo.

### Walawalanniba

**Dantigeli**  
Hadamaden dahirime be b̄e kungo se kānō. Kungo b'a isəñfen na; ab'anse makōneolu la! Nka la be se kām. Y'a kungo labaara faha ka ke a sago ye ca makow n̄enaboffi kama. O de kama, kalanbagaba in y'a jira kolik Hadamaden ye kungo a tñit, a y'a yere tine? A fa ka kuma in a legese y'e?

### Walawalanni

Kabinī rawale fo bi, kungo be ka hadamaden balo. Jiriw, jiridenw, Sogow, jiw ni jikonofenw, nin b̄es tajelen b'a sago la. Dōgo, sojorjiri, an b̄es jiriw la ka fara jiridenw kan. Jiriden duntaw te fo ka ban hsimini, si, nere hsaban, npuku, ntabanogo, ntabakunba, nburen, Hali jiribuluw nafa ka bon. Dōw be ke na na. Dow be ke furaw ye. Baganw be balo dōw la.

Ni mogo min ye kungo tine, misali la, ka jiriw tige walima ka tasuma don kungo la, o kōlōlōte dan e kelen ma. Sigida mogo b̄es be kunko soro, bawo ni kungo lankolonyara, o kōrō ye ko balo te soro, hine te soro, sogo te, wa sanji te na. Sannabaliya be na ninjaye. Ni Balodesse be hadamaden nibaganw soro? Oye halaki ye jikonofenw be balo cogo di ni jiw jara? Ubod A sen silatunu. Kalanbagaba m'a n'a fo mogo kana amakone kungo la. A ko de an kanā kungo tine, bawo halaki b'o kōf. Hadamaden ka wale minnu be kungo tine ou ka ea. Jirifigeba, sal

jiricicoba, tasumadon i kunge kungo b̄es lajelen na, forokurabōw, kodingew ni baw gerenni walima ka pōsōcō n̄en suguya w̄erew ke ji la minnu b'a ne yelema, k'a n̄ogo, k'a toli, k'a kasabo.

Cencenfu ye jamana fan kelen dun; baji ani kow be ka dōgoya, senekedugukolo caman lafura, nin b̄es ye hadamaden ka waleyā juguwo ye kungo kan.

Hadamaden ka kan ka hakili, ka kungo minne ka ne. N'a ma ne ko jiri be tige, jiri suguya b̄es kana tige, wa jirituru ka ke tuma b̄es an ka sigidaw la, k'u ladon ka ne fo k'u kōrbaya. Namān, bagansuw, tulungōw anci pōsōcōnimafenw, olu man kan ka fili kōjiv, dalaw ani

**Dukē n° 24nan**

## Du kunkow ka n̄enabō cōgōcō la

**F**urusiri, denkundi, janaja, min b̄es ye denbaya kunkow ye. Faamadu fara faantandu kan, nin kunko ninnu be b̄es dala. O du te yen min te furusiri ke, min te denkundi ke, ni saya te ke min kōcō. O kunko ninnu be taakasegin de la tuma b̄es an bolo. Ulātēmēcōgo numah n̄enabō la, o de ka fisa denbaya ma ni damatēmēwalew keli ye. Ulātēmēcōgo numah fara, damatēmēwalew kan, nin b̄es lajelen be dudenw yere de bolo, sango gatigimuso ani gatigice.

Gelsya, dantemeko ani kebalike minnu be furu, denkundi ani janayaw la an fe yan, o sababuw ka ca.

A fofo ye ka feñ saba don n̄enabō ha minnu te kelen ye. N'an be furu, denkundi ani janajaw ke, i b'a ye, i k'a fo an be laada kōrōw latilen u cōcō; an be diñne sariyaw fana boli, kōcō; an b'a nini fana ka tubabuya jogow n'a sariyaw fana don u kōcō. O de be na ni gelsya suguya b̄es

bajiw-kōcō. Senekedugukolo mana segen, a ka kan ka n̄ogodon, k'a kisi finz ni tile tōro ma. Kungosogow fagali ka kan ka ke ni hakili ye, u kana silassa. An kana kala ye ka tila k'an ne turu a la.

### III Kuncelli

Hadamaden b'a hakilito a yere la cogo min ha, k'a yere balo, k'a yere cōcō, a ka kan k'o waleyā kelen ninnu fana ke ka n̄esin kungo ma. N'a fo dōñibagaba in y'a jira cogo min na, hadamaden mana kungo tine, a y'a ke a yere la. N'a y'a ladon ka ne, ay'a ke a yere ye. Mogo be fo yereyeci la. B̄es lajelen ka sigida lamini mincōcōgo numan ke a feko ye. B̄es lajelen mana i ka bulonda furan, jamana be je.

### Mahamadu Konta

lajelen ye an ka hadamadenya kono. Filanan ye ko-da-ko-ma ye. Karisa y'a ta ke nin cogo in na fo ne fana ta ka ke ten walima ka teme o kan. Hadamadenw ka cōcō dun te kelen ye, jigiw te kelen ye; garijegew fana be ten.

An be don min na i ko bi, Bamako kōcō, n̄ogoyaba be ka don denkundi la cew fante. Mogo caman be denkundi walew keli ye. O la, woro caman te san, Kafe te dilan, buru te san, jeli te sōn, sō te tobi, jama te wele. Musaka dan ye saga ye, n'o yere warit' bolo, i b'i ta ke sutura la. Fa mana laada min sigi, koli mana na o be wuli. Hali ni n̄eñ kōliko te, feñ suguya saba nagaminen kelen na, o te laban. Ni min b'a feñ k'i ka kunkow ke diñne sira kan, silameya walima keretijenyā a kelen. N'i b'a feñ k'u eke laadaw sira kan, o keñ. Ni n̄eñ tubabuya fana de ka diñye, i ta y'i cka ko ye. Nka k'a saba b̄es fereke. Ogoñen, o ye ko ye min te laban, nin te ben.

### Mahamadu Konta

# Sigidaladogotoro sigicogo n'a baarakcogo : SESIKOMU

**Sariya n° 05-299/P-RM min tara zuwenkalo tile 28 san 2005, o be sigidaladogotoro sigicogo n'a baarakcogo dannatige.**

**Sariyasen 1: Sigidaladogotoro jocogo n'a baarakcogo dannatigeli.**

**Dakun 1: Sigidaladogotoro sigicogo**

**Sariyasen 2: Sigidaladogotoro ye kene ya sankorotayoro ye min be sigi sen kan tonjamakulu do fe u ka sigida sabatili kama. A nesinnen be foroba baara ma kene yakunda a seko damajira la u ka yoro kerenerenn na. O hukumu kono, a be :**

- banabaatow furake, ka sigida banaw segesegé k'u sidon ani k'u furake;
- fura da nogn minnu be wele «DCI» k'olu lasoro diya;
- ka banakunbenfeerew boloda (ban ni den ka kene ya, bangekosi, boloci, kene ya kalanw);
- ka kene ya sabatibaaraw boloda ani k'u sankorota (saniya ha damadenkunda, sigida lasaniyalu, sigidalamogow ka netaa, u kunnafonini, u lafaamuyali ani u ladamuni).

**Sariyasen 3: «SESIKOMU» kelen doron be sigi koori lamini kelen na, ka keje ni kene ya bankunw bocogo ye.**

**Sariyasen 4: Ton lakoenn minnu nesinnen don kene ya sabatili ma sigida la, olu doron yamaruyalen don ni sigidaladogotoro sigili n'a labaarali ye; n'o ye «SESIKOMU» ye.**

**Sariyasen 5: Ton min nesinnen don kene ya sabatili ma sigida la, n'o ye «ASAKO» ye, walasa o ka yamaruya ni sigidaladogotoro sigili n'a labaarali ye, a ka kan ka nin sariya ninnu dafa;**

- k'a damakeye ni serkili walima

Bamako komini kene ya bankun bocogo ye;

- ka ke kene ya sabatiliton ye yamaruyasaben be min bolo, kemesarada la 10 ka soron a bolo sigidalajama kuuru la.
- dogotoro bena sigi kene min kan, o ka ke a ta ye walima a ka soron o labilalen don a ye; walima yoro ka soron a bolo, a be baara ke a ferre ma yoro min na.

**Sariyasen 6: Ni kene ya sabatiliton (ASAKO) b'a fe ka «SESIKOMU» sigi, a b'a ninisaben ci o yoro méri ma; wa a ka soron a ka serkili dogotorejemogobolono b'a la. Ni Bamako kono don, a ka soron o komini dogotorejemogobolono b'a la.**

**Sariyasen 7: «SESIKOMU» ninisaben ye ninnu ye:**

- ninisaben 1, dorome 20 tenburu be noro o la; (sisan ninisaben tenburu kera dorome 40 ye)
- sigida kene ya sabatiliton sigili yamaruyasaben 1;
- sigida kene ya sabatiliton kono kono n'a sariyasaben 3;
- porozesaben 1, min b'a jira ko dogotoro be se ka sigi yoro in na, ka baaraketaw dannatige, dogotoro jocogo, minen suguya minnu be bolokoro ani minnu be se ka jini ka fara olu kan.

- sigidaladogotoro in joli musakaseben 1.

**Sariyasen 8: Sigidaladogotoro be jo komini min na, o méri de b'a joli yamaruya, ni a ka serkili dogotorejemogojenna n'a joli ye. Ni Bamako don, fo komini dogotorejemogokaja n'a ye.**

**Sigidaladogotoro in be jo yoro min na, n'a sorola a be dabo komini caman mogow kama, a joli yamaruya be bo o komini ninnu nemogow ka jekabaarasaben tegenobilali la.**

**Sariyasen 9: Komini kene ya jekabaarasaben kene yakon hukumu kono, o be bo :**

- sigidaladogotoro jyoro jirali;
- komini nemogow farali nogn kan ka dogotoro n'a minenw musakaw nini, ka kesi sigi sen kan fura «DCI» sanni kama.

**Dakun 2: Sigidaladogotoro baarakcogo**

**Sariyasen 10: Ka keje ni sariya N°02 - 314/PRM min tara zuwenkalo tile 24 san 2004 n'a be mara cemaboli kofo ka bo goferenaman na ka se sigidaw la, n'o ye serkili ni komini kono na ye kene yakunda, kene ya sabatiliton be baarakcogonyasaben tegenobila a ni méri ce, sigidaladogotoro be jo yoro min na.**

**Sariyasen 11: Baarakcogonyasaben in be komini ni kene ya sabatiliton kelenna ka ketaw dannatige, i n'a fo :**

- kene yabaaraw musakacogo;
- komini jyoro «SESIKOMU» baarakela do ka musakako la;
- fura «DCI» ni baarakeminew ani bolifekow;
- sigidaladogotoro joli musakako;
- «SESIKOMU» baarakcogo klosili;
- kene ya sabatiliton jyoro komini ka kene yabaaraw bolodali feere la, fura konnenw feeeli keleri ani finnebanaw ni kasaaraw kubenni na.

Fen minnu ye wajibi ye sigidaladogotoro ni serkili dogotorejeboba ni nogn ce, baarakcogonyasaben b'olu dannatige, walima ni Bamako don, komini dogotorejeboba.

**Sariyasen 12: Sigidaladogotoro baarakelaw n'a topotocogo file :**

- nemogoyekulu;
- topotocoyekulu;
- nemogoyaso.

**Sariyaset 13nan :** nəməgəjekulu b'a janto sigidaladəgətərəso la baara ka ke konuman. O hukumu kono, a ka kan ka :

- san baaraw n'u musaka jateminé ka bila;
- sigidalaməgəw ka kan ka dəgətərəso bolomagen cogo min, na baara ka sabati k'olu dannatige;
- ka baaraw kəcogo təpətərəka;
- dəgətərəso mako bə baarakelat dəb minnu na k'olu tənəs iğe kən bə;
- ka baara kəcogo kunnafoni ləse təndenjama maslajebaw senfe.

**Sariyaset 14nan :** nəməgəjekulu ka nəgənyew ye kətə wəcəwəcəye, a bə se ka nəgənye balalənw fana ke n'o b'a kunbə.

**Sariyaset 15nan :** nəməgəjekulu məgəw bə ta tən ka lajeba senfe san 3 kuntaala, san 3 wəre bə se ka da u ye ni baara ka ni u bolo, nəməgəjekulu məgəw file :

- nəməgəba 1;
- nəməgəba dankan1;
- səbənnikəla 1;
- warimarala 1;
- warimarala dankan 1;
- kolabənna 2;
- tən bolofən kələsila 1;

Məgə minnu ka kan ka ye tən na, nka n'u tə wote, olu ye:

- sərekili perefe walima a nənabila;
- komini məri walima a nənabila;
- dəgətərəso bə yərə min na, o kintigi walima o dugutigi;
- sigidaladəgətərəso nəməgə;
- sərekili dəgətərənəməgə, walima komini dəgətərənəməgə ni Bamako don.

Nəməgəjekulu bə se ka məgə wərew lamən minnu bə se k'u bilasira ka nə.

**Sariyaset 16nan :** Təpətərəkulu ka kan ka nəməgəjekulu ka ənaniya sirilenw waleyə. Təpətərəkulu ka kan ka :

- sigidaladəgətərəso baarakəcogo kələsi.
- dəgətərəso nəməgə mana kalo musaka minnu nini k'o səmentiya;
- musaka minnu boli wajibiyalen

don dəgətərəso kan, k'olu bo a sira fe;

- u be musaka bəlenw nəfə ka nəməgəjekulu ye;
- ka nangili fəgenmanw da dəgətərəso baarakelaw k'olu n'u donna fili la.

Təpətərəkulu ka nəgənyew ye kalo - kalo ye; a bə se ka nəgənye balalənw ke n'o b'a kunbə.

**Sariyaset 17nan :** nəməgəjekulu təpətərəkulu məgəw sigili - Tənden minnu bə se ka wote, o ke təpətərəkulu məgəw bə ta olu la.

- nəməgəba 1;
- nəməgə dankan1;
- warimarala 1;
- tən bolofən kələsila 1;
- sigidaladəgətərəso nəməgə.

**Sariyaset 18nan :** Kənəyako nədənbaa də bə bila sigidaladəgətərəso nəməgəyaso kunna. A bə baaraw kəcogo numan kələsi. A ka mara bə boli dəgətərəso baarakəla bəs kan. Kənəyako jate bəs ka kan ka sərə a bolokərə u ka kənəya koori lamini kan.

**Sariyaset 19nan :** Sigidaladəgətərəso bə komini min kono, o məri bə se ka dəgətərəso in datugu n'a ni datuguli ka kan; a kəlen kə ka sərekili dəgətərənəməgə hakilila sərə. Ni Bamako don a b'o cogo kelen na, nka komini dəgətərənəməgə hakilila bə nini fə. Nka ni komini caman je dəgətərəso don, a bə komini min na, o məri tə se k'a datugu ni komini təw nəməgəw ma jən n'a datuguli ye.

**Sariyaset 20nan :** Sigidalatəgətərəso datuguli bə se ka nini a bə komini nin na, o məri fə, walima komini minnu je don olu də kelen məri fə. O la, ni dəgətərəso datuguliseben dira komini min kənəyejekulu ma; o man kan ka kalo 1 kuntaala təmə kasərə a ma komini təw kənəyejekuluw lədənniya a la. Komini təw kənəyejekuluw fana man kan ka kalo 3 foori kasərə u m'u hakilila fə a la.

**Sariyaset 21nan :**

Sigidaladəgətərəso tə se ka datugu fo ni dəgətərəso yərə tənəna ani baarakemənəko ni dəcətərəfaamuyallenntanya, ko furakeli konuman tə se ka ke a kono bilen. Sigidaladəgətərəso tə se ka datugu ni sərekili dəgətərənəməgə ni perefe hakilila ma nini ani a datuguli sudalen kənəya sabatilitən na, kalo saba kono n'a desəra ka yelema numan lase dəgətərəso in ma.

**Dakun 3nan :** Sariya labanw

**Sariyaset 22nan :** Ni kənəya sabatilitən kəra cifən ye, dəgətərəso foroba baara təpətərəki bə latəmə kənəyaso min ka mara b'a kunna ma.

**Sariyaset 23nan :** Kənəya minisiri ani jamana kənəna ni marabolow minisiri kelenna bəs bə sigidaladəgətərəso sigili n'a baarakəcogo sariya talen sira taama.

Bayələmabaga  
Dokala Yusufu Jara

### Cəmisənw ka musotigekataa ma ban Dəyila

An bə waati min na, cəmisənw ka musotigekataa səbəkərə cəyalən don. A kəlen bə ka gəleyaba don denmansaw n'u furuñogonw ce an fə yan Dəyila. Musotigəla ninnu tə muso nini a fa fə, u t'a nini a ba fə. U ni musomannin mana bən ko la dərən, u bə boli ni nəgən ye; hali n'o y'a sərə o musomannin in məminənen don ce wəre fə. N'a fərə musofurula ka furunafolo bə, a muso ka labila a ye, ce wəre k'o kərətigə ka təmə n'o ye denmansaw ni duguməgə təw nənəma, o ye gasiba ye siginəgənya la.

Musocə mara se a buranw ma a məminənəuso tununiko la, o bə ke dukənomənəkan ye fo fəngalataa bə bə a dəw la. Musotigəla in mana minə, fəngə bə aləmani min bin a kan, hali o tə sərə a dəw kun. A caman tə bə laban kasoladon na.

Abudulayi Kulubali  
Arajo Jamako Dəyila

# Faransisigi səbentanw ma son seginni ma u faso la

**D**unan səbentan mogo 200.000 ka se 400.000 ma, o de be Faransijamana kan. San 2005, setanburukalo la, Faransi wogow ye fərew tige, k'a nini o tungaranke ninnu fe, u ka segin u faso la. Ni minnu sonna, donbolo be ke olu ye. O waleya in te ka tungarankew kunmine kosebe, bawo faransitaala min nana segin ka soro fen jenama t'a bolo, a ma se ka baara jenama si ke faso la sanni a kana, o ye dusukasi dan ye o somogow bolo.

Faransi goferenaman y'a jira dunan səbentanw na, n'u fen o fen jenna ni seginso ye, nogoya be ke o tigilamogow ye seginni səbenkow la; u te awiyonbiye sara; u be deme-deme fana faso la Faransi fe, fo u ka ko do nesoro min, b'a to u be se u yere kɔrɔ. Balikuw be labila ni sefawari 1.062.000. Ce n'a muso be sefawari 2.58.500 soro. U den minnu ma balikuya, saba be ta olu la, k'olu labila ni sefawari 131.000 ye. Den tɔw be sefawari 65.500 soro. Faransi goferenaman ye nin nafolomugu ninnu labila səbentanw ye walasa seginso ka diya u ye. A sifilela Faransi marayoro 21 kɔnɔ, nka ni mogo 469 te, mogo si ma soro a la, bawo demedonwari in hake ka doko kojugu. A te tungaranke yere kelen bo, sango o n'a somogow. Səbentan ninnu caman donna Faransi k'a sababu ke u somogow ka deme ye. Dɔw somos ka deme ye wara fara e bolo kan k'u ladon. Dɔw taw ye juru ta fan bee, u ka se ka taa. O wara ninnu dun ka kan ka sara. N'a fɔra e bolo lankolon ka segin so, o y'i kelen ye jugusago ani fadensago ye, i ni

kunnadali ani danga be nogou na fo k'i sa don min na.

Nin ye kamalen do ye, a tɔgo Basitisiyen, Hayitika don; nin y'a san 4 ye Faransi, wa səbentan don fana. Ale ko a təna son abada Faransi faamaw ka folen in ma. Ale ka tɔcɔ Faransi a b'o kɔrɔdɔn ni seginni ye faso la. Ale ka denbaya ye sefawari 4.117.000 musaka k'a ladon Faransi. A be ka dibidibibaaraninw ke sojolaw kerefe. Tuma dɔw la a be se ka sefawari 327.500 fo ka se 786.000 ma soro kalo kɔnɔ. O la, a be do bila ka taa so k'o ke jurusara ye ani k'a somogow lahine.

Ni Basitisiyen menna ka soro a ma wari ci a somogow ma, u be jahamana jigin a kan. A fa delila ka Faransisigi ke ka teme, o b'a dɔn geleya min be yen.

Nka, kabini Basitisiyen tɔcɔdɔ do ye mɔbili sar k'o ci a fa ma, Basitisiyen ma here soro bilen a somogow bolo. U b'a ka fugariya n'a

ka dankadenya fo ka don a tulo la tuma bɛe.

Kamalen were be yen, o tɔgo Faranki, o ye Togoka ye, səbentan don Faransi, o fana ta ka jugu ni Basitisiyen ta ye. Ale somogow y'u ka du tɔnɔmada k'ale bila ka taa Faransi. U y'u jigi ke mogoladonna minnu ye, jaa olu ye yurugurumogow de ye, olu tununa ni wari bɛe ye. O kɔfɔ, a fa ye juruba ta k'a ladon wajibi la Faransi. Faranki ka kan ka sefawari 6.500.000 sors joona joona k'a ci a somogow ma walasa u kana gen ka bo u ka du kɔnɔ. A fa kɔni be kule la su ni tile kɔnɔnagan y'a sababu ye.

Nin fana ye ce do ye, Kongoka don, a tɔgo Piyeri, ale n'a muso n'a denw donna Faransi lahoromajini na, nka a kera u bolo jahanamasigi ye. Don dɔ la, a y'i miiri k'i taasi ko ni n tun y'a dɔn. O y'a soro a tara ka dan ke kaban.

Zanpoli-Mopo-Kobanda  
Mahamadu Konta

## Tulon

Nin ja fila dilanbaga y'a dabo a kama ka fili 10 k'u la. A y'olu nini.



1 - Muso tulukala kelen 2 - Filen kundan 3 - Jukuruun binde kelen  
4 - Kiniñte jiri 5 - Furatu dibibali kinin te 6 - Duliki bolio kelen 7 - Jiruw ja duguma 8 - Kalaton 9 - Jollikjilini tenenda la 10 - Ja min be muso kɔ la.

jabi

## San 2006 daminecogo ma ne ntolatanko la

**S**an 2006 daminecogo be ka mogow jore kosebe ntolatanko la Mali kono. Ntolatanko Federason ka laje balalen min kera Segu awirilikalo tile 1 don, o lajini tun ye ka feerew tige nafolo caman be se ka soro cogo min na k'u don ntolatanko yiriwali dafe. Fognonkow barika bonyara laje inkono, bawo doow lajini tun ye ka Salifu Keyita n'a ka biro mogow wuli ka bo yen, ka biro kura sigi Federason nemogoya la. Olu naniya ma sirasoro, wa baara nенама fana ma se ka ke. Fen min tora mogow hakili la, o kera Amadu Jakite ka kumaw ye, ale min ye Federason, nemogokoro ye ani Mali ka cesigi dije ntolatanko tonba (FIFA) kono. A ka kumaw kono, benbaliya min be Federason kono k'a sababu ke

nogonfaamuyabaliya ye ani fobaga juguw ka nafigiyaw, a y'a nini olu ka dabila bee lajelen k'i nesin Mali ntolatanko yiriwali ma. Salifu Keyita jora a ka filiw koro, ka yafapini ke, k'a jira, horonya yere la, ale te se k'a joyoro labila, fo a ka Mali ntolatan bo dingue kono don min na.

An ne be taamasiyen minnu koni na, olu be mogo siga-siga doonin. Bawo, halibi Mali ma degelikaramogo jonjon soro folo, ka soro a tene meen, Farafinna jamanaw ka ntolatanba nebila ntolatanwena damine. Obolen koyen, an ka ntolatanton minnu tun be k'an joyorofa Farafinna ntolatantonw ka nogonkunbenw kene kan, olu senbora tulon na, u bolalankolon Esitadi ani AESIBE (ASB). Esitadi ni laginekaw ka ntolantun Sateliti ye

nogon soro siye fila; o diyara jemanwa na. Ntolatan folo kera 3 ni o ye Esitadi kunu na. Filanan kera Lagine; o kera filaninbin ye 2 ni 2. O kofe, Esitadi ni Gine Ekuwatoriiali ntolatanto Erenesimento ye nogon soro. Tako folo kera 2 ni 1 ye Bamako yan Esitadi kunu na. Tanko filanan na, Esitadi gosira o ni 1. O kera Esitadi bolen ye tulon na.

Esitadi ka ntolatanko naani ninnu senfe a kolosira ko Esitadi ntolatan bee laban ka gelon; u be segen; ka dese, fo u b'u jo. Bi o bi donna u la, o bee kera ntolatan labanw de la. Halibifura ma se ka soro o la. Tugu don wa, ban de don, tari dese?

Fen min ye Bamako, ASB ye, ale taara ne doonin. A ni Togo Dinamiki ye nogon soro, o kera fu ni fuye Lome, ka ke 5 ni 0 ye Bamako, ASB kunu na. O kofe ASB ni Gana ntolatanton kingi Fesitali ye nogon soro; a sera o fana na : Bamako yan, ASB y'u gosi 1 ni 0; Gana yen, u ye filaninbin ke 0 ni 0. Sijne sabanan na, ASB manamana binna, unisudankaww kelen ka nogon soro. Tako folo kera Bamako; o kera 3 ni 0 ye ASB kunu na. Tako filanan na, Sudankaw fana ye 3 ni 0 ke ASB la. O kofe, penaliti 5 tan kera. O senfe Sudan ye 4 don, ASB ye 3 don. ASB boli balala maliden bee la, bawo utun be se ka taa nefe. Latige don wa, fasan?

Mahamadu Konta

fanga kanfo, olu y'a nini, furance lagoferenaman ka sigi min bena fanga latemecogo laben mogow were ma sanni Peresidan ka fatu. O hakilila in ma sirasoro. Peresidan ka ton mogow be wulikajo bee lajelen na, Lansana Konte mana sa, olu ka to u no na fanga la; jamana nafolomafen bee lajelen ka to u ka bolokan (wari, kafe, sanu, jaman ani do werew, i n'a fo wusuruw). Minisirinemogo koro ye peresidan masurunnamogo do jalaki k'o ye dolariwari miliyon 22 janamu jamana kun, o y'a ta a ninkini kan. Mogow o mogow, Lagine kono bi, ni fanga ko ku, n'i ko bananku, i be taa i ta to nimi fan were. Nenamacyenta min be senna bi Lagine, o kelen be ka bee kamanagan, bawo n'a mankan n'a balawu cayara, sorodasiw be wajibya ka fanga ta, i n'a fo Lansana Konte yere y'a ke cogo min na. O ye geleya were dabolen ye.

Azizi Tarawele  
Mahamadu Konta

«AMAP» kuntigi
Soloman Darabo
Mali kanw kunnafonisabenw
baarada kuntigi
Danze Samake
Kibaru
BP. 24 Telefon: 221-21-04
Kibaru Buguiye Bosola
Bamako - Mali
Sebenbagaw kuntigi
Badama Dukure
Sebennejekulu
Mahamadu Konta Dokala
Yusufu Jara Badama Dukure
Labugunyoro: Kibaru gatedilan
baarada
Bolen Hake 16.000